



## **ACTA DA SESIÓN ORDINARIA DA XUNTA DE GOBERNO LOCAL DO CONCELLO DE VALDOVIÑO, CELEBRADA EN DATA QUINCE DE XULLO DE DOUS MIL VINTE E CINCO.**

**Expte: 2025/G007/00022**

En Valdoviño na Sala de Xuntas da Casa do Concello anexa á Alcaldía, ás dez horas do día 15 de xullo de dous mil vinte e cinco, reúnen-se en primeira convocatoria os membros da Xunta de Goberno local; previa convocatoria efectuada regulamentariamente conforme ao resolto en decreto núm. 421 de data 14 de xullo/2025 e baixo a Presidencia do sr. Alcalde Alberto González Fernández: dona Rosa Ana García López, dona Tamara Sabín Caamaño e don Alejandro Antonio García Sousa. Non asiste por causas xustificadas don Benito Manuel Vega Fernández.

Actúa como secretaria a que o é da Corporación dona Carlota González Navarro.

Despois de aberta pola Presidencia a sesión, esta celébrase comezando co debate e votación dos asuntos incluídos na Orde do Día da convocatoria.

### **1º.-APROBACIÓN, SE PROCEDE, DO BORRADOR DA ACTA DA SESIÓN ANTERIOR: 25.06.2025 (ORDINARIA).-**

O alcalde preguntalle aos concelleiros se teñen que facer algunha observación á devandita acta, e ao non facerse ningunha alegación, declara que a acta da sesión de 25.06.25 queda aprobada sen ningunha obxección pola Xunta de Goberno Local.

### **2º.-APROBACIÓN DAS BASES REGULADORAS DAS MEDIDAS DE APOIO ÁS FAMILIAS DESTINADAS A MATERIAL PARA O ESTUDO E TRANSPORTE DO ANO 2025..-**

#### **“PROPOSTA DE ALCALDÍA Á XUNTA DE GOBERNO LOCAL PARA A APROBACIÓN DAS BASES REGULADORAS DAS MEDIDAS DE APOIO ÁS FAMILIAS DESTINADAS A MATERIAL PARA O ESTUDO E TRANSPORTE DO ANO 2025**

Alberto González Fernández, Alcalde do Concello de Valdoviño, visto o informe de Intervención e visto o informe técnico do departamento de Servizos Sociais que se transcribe a continuación:

#### **“INFORME SOBRE BASES REGULADORAS DAS MEDIDAS DE APOIO ÁS FAMILIAS DESTINADAS A MATERIAL PARA O ESTUDO E TRANSPORTE DO ANO 2025.**

Iria García Martínez, Educadora Social do departamento de Servizos Sociais do Concello de Valdoviño en relación á convocatoria anual de subvencións municipais de apoio ao estudo e ao transporte

**INFORMO:**

1. Que se mantén a liña de axudas do ano anterior, en relación aos conceptos, aos tramos económicos e ao procedemento de solicitude e xustificación.
2. Que tamén se mantén o procedemento para a compra e pagamento da axuda, a través de transferencia bancaria ás familias unha vez xustificada a axuda. Ademais, as familias que non poidan anticipar os cartos da compra poderán asinar unha cesión para que o Concello pague directamente ao establecemento.
3. Que se reduciu a cantidade de transporte de 100 a 60 euros atendendo ao importe medio xustificado nos últimos anos.
4. Que se propón o aumento de crédito ata os 12000 euros para cubrir a previsión do gasto das solicitudes.
5. Que se inclúen nestas axudas os seguintes gastos subvencionables co obxectivo de cubrir a necesidade máis básica de cada nivel educativo:

**1) Material para o estudo**

Gastos de material para o estudo e complementario que sexa necesario por consecuencia da escolaridade nos niveis de infantil, primaria, secundaria, bacharelato, formación profesional e universidade. Os conceptos específicos que se subvencionan son:

- Material escolar funxible: cores, libretas, folios, específico profesional, tinta de impresora, etc.
- Material complementario: compás, regras, estoxo, mochila, libros de lectura, rato de ordenador, pendrive, etc.
- Material deportivo: roupa e calzado deportivo, camisetas e calcetíns.
- Material de formación profesional: utensilios, uniformes, ferramentas específicas...

**2) Transporte**

Gastos de transporte derivados do desprazamento aos centros de estudo (para alumnado de Bacharelato, Formación Profesional e Universidade).

Que se inclúen as seguintes contías:

	CONTÍA DO 100 %	CONTÍA DO 50%	CONTÍA ÚNICA
Material funxible, complementario e deportivo	90,00 €	45,00 €	
Transporte			60 €

6. Que as bases serán revisadas polo departamento de Servizos Económicos e asinadas polo alcalde.

En Valdoviño, a 1 de xullo de 2025

Iria García Martínez

Educadora social (Colex. 3545)”

En virtude das atribucións que me confire a vixente lexislación de Réxime Local

**PROPOÑO:**

á Xunta de Goberno Local a aprobación das bases reguladoras das Medidas de apoio ás familias destinadas a material para o estudo e transporte do ano 2025.

En Valdoviño, a 10 de xullo de 2025

Alberto González Fernández

O Alcalde”

**A Xunta de Goberno Local, en votación ordinaria e por unanimidade dos seus membros á sesión, acordou a aprobación da proposta de Alcaldía transcrita (Expediente 2025/A011/000001).**

**3º.-EXPEDIENTE DE OBRAS: REPARACIÓN DE ESTRADAS EN COTO DA PENA, BASTEIRO, OS ROMEOS, AS TRABES, O CAMELEIRO E IGREXA DE LAGO, POS ADICIONAL 2/2024 1º FASE (TOMA DE COÑECEMENTO DO INFORME TÉCNICO POLA BAIXA TEMERARIA).-**

**“PROPOSTA DA ALCALDÍA-PRESIDENCIA**

Expte.: 2024/C003/000013

Obra: Reparación de estradas en Coto da Pena, Basteiro, Os Romeos, As Trabes, O Comeleiro e Igrexa de Lago.

Aprobado o expediente de contratación de: “Reparación de estradas en Coto da Pena, Basteiro, Os Romeos, As Trabes, O Comeleiro e Igrexa de Lago.” Segundo acordo de Xunta de Goberno Local de data 29/10/2024 incluído no Plan POS ADICIONAL 2/2024 1ª FASE

Consta a documentación técnica do enxeñeiro D. Miguel Ángel Fernández Rivera 27796 COATIE AC; cun importe total de 129.684,81 € (IVE incluído); IVE 22.507,28 euros; prezo sen IVE (107.177,53 €).

Licitación: procedemento aberto con único criterio de adxudicación, factor prezo, tramitación ordinaria.

Realizada a publicación da licitación na Plataforma de Contratos do Estado en data 23/12/2024 e presentadas ofertas, en sesión de data 22 de abril de 2025 a Mesa de contratación aperturou e examinou a documentación do sobre A e acordou admitir aos licitadores Avanza Environmente, S. L., Excavaciones Cernada Valiña, S. L., Excavaciones y Obras Melchor, S. L., José No Mantiñán e Hijos Construcciones, S. A. e Serviplus total,

S. L. (todos os licitadores que concorreron á licitación) ao comprobarse correcta a documentación presentada.

En data 29 de abril de 2025 a mesa de contratación celebra sesión para apertura das ofertas económicas contidas nos sobres "C". Resultando que unha vez remitida a información a mesa de contratación valorou as proposicións técnicas de acordo aos criterios do PCAP do seguinte xeito:

NIF: B70385125 Avanza Environment SL: - Oferta económica Valor introducido polo licitador: 102892.56 Puntuación: 18.67

NIF: B15122104 EXCAVACIONES CERNADAS VALIÑA, S.L.: - Oferta económica Valor introducido polo licitador: 103072.63 Puntuación: 17.87

NIF: B70336482 EXCAVACIONES Y OBRAS MELCHOR S.L.: - Oferta económica Valor introducido polo licitador: 101282.77 Puntuación: 25.67

NIF: A15013162 JOSE NO MANTIÑAN E HIJOS CONSTRUCCIONES, S.A.: - Oferta económica Valor introducido polo licitador: 99995 Puntuación: 31.27

NIF: B70019294 Serviplus total S.L: - Oferta económica Valor introducido polo licitador: 102240 Puntuación: 21.51

De conformidade co punto 15.4 do prego de cláusulas administrativas particulares que rexen esta contratación por procedemento aberto cun único criterio de adxudicación, factor prezo, das obras incluídas nos plans provincias (ofertas anormalmente baixas) e de conformidade co artigo 149.4 da Lei 9/2017 de 8 de novembro (LCSP): A Mesa de Contratación, por unanimidade dos membros presentes ACORDA : 1º REQUIRIR á empresa NIF: A15013162 JOSE NO MANTIÑAN E HIJOS CONSTRUCCIONES, S.A. para que dentro do prazo de CINCO DÍAS HÁBILES (5) dende a recepción da notificación, xustifique a súa oferta, acompañando a documentación a que se refire o apartado 15.4.4 do prego de cláusulas administrativas que rexen a contratación. A documentación será presentada no rexistor municipal, asinada. 2º.- A documentación xustificativa realizada polo licitador incurso en baixa, será remitida a informe dos servizos técnicos co fin de que emitan o correspondente informe sobre xustificación ou non de baixa anormal.

En data 13/05/2025 baixo o rexistro de entrada número 202599900000694 o licitador José No Mantiñán e Hijos Construcciones, S. A. presentou xustificación da baixa temeraria en resposta ao requirimento efectuado en data 07/05/2025 sendo trasladada aos servizos técnicos municipais para a emisión do correspondente informe.

En data 20 de xuño de 2025 a mesa de contratación celebra sesión para dar conta do informe técnico referido á xustificación da ofertada económica presentada pola licitadora "José No Mantiñán e Hijos Construcciones, S. A. na que se expón:

"(...)

*IV. A empresa JOSE NO MANTIÑAN E HIJOS CONSTRUCCIONES, S.A., presentou unha memoria xustificativa o día 13.05.2025 (núm. rex. 202599900000694), axustada de forma xeral ao contido fixado no artigo 15.4.4 mencionado anteriormente. A continuación faise un resumo da documentación presentada, seguindo a orde de contidos establecido nos propios pregos: 1. XUSTIFICACIÓN DE PREZOS OFERTADOS: Faise unha relación de factores favorables tidos en conta pola empresa á hora de realizar a oferta no apartado 1 "La empresa y su actividad" e "Instalaciones" da memoria, como son: • Experiencia no sector da construción e en obra civil dende o ano 1967 e en explotación de canteiras de áridos dende mais de 100 anos. • Dispoñibilidade propia de medios propios tanto*

humanos como mecánicos. • Posesión de cadro de persoal consolidado con unha antigüidade media de 20 anos. • Disponibilidade propia de taller mecánico e instalacións de subministro de áridos e asfalto, no Concello de Moeche (a 20 km do lugar das obras). • Empresa inscrita no Rexistro de empresas clasificadas, no Rexistro de empresas acreditadas (REA) no sector da construción e no Rexistro xeral de produtores e xestores de residuos de Galicia (residuos non perigosos de orixe industrial e pequeno produtor de residuos perigosos). A. Materiais: A.1 Compra: • Inclúese neste apartado as emulsións asfálticas ofertadas por REPSOL, con carta de compromiso de subministro deste produto. A.2. Medios propios e/ou materiais de produción propia: • Canteira propia de áridos (apropiados para regos asfálticos, aglomerados bituminosos e formigóns) con licenza de explotación dende o ano 1973. Achégase cálculo do custe de produción e estimación de existencia. Achégase certificado de conformidade CE. B. Maquinaria: B.1 Aluguer: • Indícase que non se alugará nin subcontratará maquinaria por ter un parque propio. B.2 Medios propios: Incorpórase a relación detallada e ficha dos vehículos e maquinaria da empresa.. Achégase estudo do prezo/hora do custo da mesma. Achégase declaración de amortización da totalidade da maquinaria e instalacións da empresa, salvo 3 dos 20 vehículos. C. Oferta detallada por unidades de obra: Achégase oferta económica das unidades de obra detallada en prezos descompostos co mesmo detalle que no PPT, sendo a baixa mais significativa a correspondente ao árido, maquinaria empregada e da emulsión bituminosa, manténdose o prezo da ma de obra, porcentaxes de beneficio industrial e gastos xerais indicados nos pregos de prescricións técnicas. 2. VOLUME DE OBRA EN RELACIÓN COS MEDIOS PERSOAIS E MATERIAIS: Non se indica a incidencia nos prezos ofertados, da relación existente entre as obras contratadas e os medios persoais e materiais. Porén achégase o volume de obra executado nos exercicios dende o 2011 ao 2018, a relación de obras que a empresa ten pendente de executar con outras administracións e certificados de boa execución dun total de 5 obras similares con outras administracións. 3. RELACIÓN ENTRE CUSTOS LABORAIS FIXOS E VOLUME DE OBRA CONTRATADA: • Achégase relación detallada do cadro de persoal da empresa. • Achégase relación nominal de traballadores emitida pola Tesorería General de la Seguridad Social. • Achégase recibo de liquidación de cotizacións emitido pola Tesorería General de la Seguridad Social. • Achégase nómina de 11 traballadores, do mes de marzo do 2025. • Achégase declaración da obra contratada e pendente de executar, con indicación do presuposto de adxudicación. 4. CUMPRIMENTO DAS OBRIGAS SALARIAIS: • Achégase declaración da empresa sobre o cumprimento das obrigas salariais con respecto aos seus traballadores. • Achégase informe emitido pola Tesorería General de la Seguridad Social dos traballadores de alta na empresa. • Achégase certificado emitido pola Tesorería General de la Seguridad Social de estar ao día no cumprimento da obrigas coa Seguridade Social. 5. RELACIÓN DE SUBCONTRATOS: • Non se achega relación de subcontratos. V. Como conclusión a todo o anterior, o técnico que asina este informe entende, no seu estrito ámbito de competencias, que na documentación presentada pola empresa JOSE NO MANTIÑÁN E HIJOS CONSTRUCCIONES, S.A queda xustificada a oferta económica presentada, non considerándose como unha oferta economicamente desproporcionada. Este é o meu informe que, composto de 3 follas numeradas, emito para a súa incorporación ao expediente de contratación da obra denominada: “Reparación estradas en estradas en Coto da Pena, Basteiro, Os Romeus, As Trabes, O Cameleiro e Igrexa de Lago”. (...)

Esta Mesa de contratación na sesión de data 20/06/2025 tras tomar coñecemento do informe técnico municipal referido á xustificación da oferta económica presentada pola empresa José No Mantiñán e Hijos Construcciones, S. A. e toda vez que considerou xustificada a oferta económica presentada por José No Mantiñán e Hijos Construcciones, S. A. non considerándose como unha oferta economicamente desproporcionada. E por todo o exposto anteriormente a mesa acordou FORMULAR PROPOSTA DE ADXUDICACIÓN do contrato de obra: **Reparación estradas en Coto da Pena, Basteiro, Os Romeos, As Trabes, O Cameleiro e Igrexa de lago** a favor de la empresa José No Mantiñán e Hijos Construcciones S. A. motivado en que é a oferta que obtivo a maior puntuación, previa presentación polo licitador da documentación para ser adxudicatario do contrato.

Visto o exposto anteriormente, esta alcaldía PROPÓN á Xunta de Goberno Local a adaptación do seguinte ACORDO:

**Primeiro.-** Considerando que a empresa con NIF A15013162 JOSE NO MANTIÑÁN E HIJOS CONSTRUCCIONES, S. A. presenta unha oferta na que se considera xustificada a baixa temeraria conforme ao informe técnico emitido ao respecto cun importe:

- A) Prezo sen IVE: 99.995,00 euros
- B) Impuesto sobre o Valor Engadido (IVA): Porcentaxe: 21 % Importe 20.998,95 euros
- C) TOTAL (A+B): 120.993,95 EUROS

Requirir ao devandito licitador para que no prazo de DEZ DÍAS HÁBILES a contar dende o seguinte a aquel en que reciba a notificación, PRESENTE a documentación sinalada na cláusula 16.- Adxudicación do prego de cláusulas administrativas particulares que rexen a contratación, incluída a garantía definitiva (5 % do importe de adxudicación, excluído o IVE: 4.999,75 euros) aos efectos de poder serlle adxudicada a obra Reparación de estradas en Coto da Pena, Basteiro, Os Romeos, As Trabes, O Cameleiro e Igrexa de Lago así como certificado positivo de atoparse ao corrente das obrigas tributarias coa Axencia Estatal Tributaria (AEAT) e coa Axencia Tributaria de Galicia (ATRIGA) en virtude da cláusula 16.1.9.

**Segundo.-** Notificar o presente acordo á citada entidade mercantil para o seu coñecemento e efectos.

Non obstante, a Xunta de Goberno Local decidirá o que estime convinte.

O Alcalde:

Asdo.: D. Alberto González Fernández (Asdo. dixitalmente).”

**A Xunta de Goberno Local, en votación ordinaria e por unanimidade dos seus membros á sesión, acordou a aprobación da proposta de Alcaldía transcrita (Expediente 2024/C003/000013).**

#### **4º.-ROGOS E PREGUNTAS.-**

Non se formularon rogos nen preguntas.

E sen máis asuntos que tratar, o sr. Alcalde levantou a sesión, ás dez horas e dez minutos do día ao principio indicado, e eu, como Secretaria municipal, CERTIFICO o contido da presente acta.

*/Documento asinado na marxe esquerda do mesmo pola secretaria e polo alcalde/*